

هيثم أبو خليل يروي : اعتقال طبيب وسحله وتحطيم منزله لأنه كتب تقرير طبي حقيقي لحالة معتقل



الخميس 7 أغسطس 2014 12:08 م

نافذة مصر

عاجل وخطير ...اعتقال طبيب وسحله وتحطيم منزله لأنه كتب تقرير طبي حقيقي لحالة معتقل والتقرير معجيش ضابط المباحث ..!

الاستاذ الفاضل . هيثم أبو خليل

كلمت حضرتك قبل كده عن الحالة اللي اتطلب منى اشوفها ..لعل حضرتك تتذكر التفاصيل .. فى المستشفى لما روحت علشان أكتب التقرير .. اتكلمت مع رئيسى فى القسم عن اللي شوفته وانهم طالبين فبركة تقرير طبي وان الحالة تستدعى عناية مركزة طارئة .. رئيسى فى القسم اشفق عليا و قالى لو كتبت غير اللي طالبيته انت عارف البلد ماشية ازاي .. و سكت للدسف !! المهم خروجاً من المأزق ده قررت كتابة التقرير بالانجليزى علشان انا عارف مستوى غبائهم و بكده اكون ريحت ضميرى ..واى حد متخصص هيقري التقرير هيعرف خطورة الحالة .. اللي حصل ان الطالب اللي معتقل فى قسم شرطة كفرالدوار اخدوا التقرير بعد تدهور حالته و راحوا بيه لمستشفى دمنهور العام فى عريية الترحيلات ..والتقرير والحالة لما دخلوا ..الدكتور اللي هناك قالهم ده المفروض يموت لأنه كان المفترض يتنقل للعناية المركزة من وقت زى ما التقرير مكتوب و رفض علاجه بالمستشفى ... اول امبارح فوجئت بأمن الدولة يقتحم بيتى الساعة 2 ونص الفجر .. و اخدونى بالبيجامه و حافى وسط استغاثات زوجتى و ابني الطفل البالغ من العمر 3 سنوات و سكان العمارة اللي طلع يدافع عنى اضرب و اثبتت بالرشاشات ..بعد تعرضى للضرب و وابل من اقذر الالفاظ تم تهديدى انى لو فتحت يقى ..هيتعمل فيا زى الحالة اللي كتبت فيها التقرير ..احتجزونى 48 ساعة فى ززانه جنائيين و بعدها اطلقوا سراحي .. انا حاليا اخدت مراتى و ابني وروحت مكان غير معلوم علشان التهديدات وعلشان كرهت نفسى بعد اللي شوفته و كرهت البلد باللى فيها !! كل ده علشان كتبت تقرير !! كل ده علشان قلت كلمة حق !! قول للناس اللي بتقول الدكتور عمل ايه !!؟ وازاي سكت ..انى مسكتش ودى كانت النتيجة ..و للعلم انا حاصل على ماجستير فى الامراض النفسية والعصبية من انجلترا ..وابن ناس !! واللى ضربنى مخبرين وامناء شرطة !! واللى هددنى هو الرائد .محمد حمادى بقسم شرطة كفرالدوار ..

فى صورة للتقرير و صور للاصابات نتيجة الضرب اللي حصلتلى و صور لبيتى اللي اتكسر فيه اجهزة يوم الاقتحام

انتهت قصة اجرام الشرطة في حق طبيب محترم يبقى ان انشر رسالته السابقة لكي تفهموا حضراتكم بداية الموضوع :

كنت نابتشى امبارح فى المستشفى ..وانا دكتور نفسية وعصبية .. جيه طلب من قسم شرطة كفرالدوار ان لازم يخرج دكتور يشوف حالة هناك ضرورى لان الدكتور المسئول مش موجود .. طلعت مع ظابط اسمه . احمد الديب برتبة نقيب و 2

مخبرين ..لما وصلت القسم طلبوا انى ادخل الحجز اشوف الحالة ..لما دخلت كانت الاضاءة سيئة جدا والريحة قذرة كأنها حمام عام ومش شايف كويس فطلبت من الضابط انه يخرج الحالة برا الحجز او يشوف الاضاءة قالى ممنوع هى الاضاءة كده !! ومينفعش يخرج من الحجز ..المهم ان الحالة كانت لطالب ثانوى عنده حمى وتشنجات وحالته سيئة للغاية و بيجز على سنانة ..فتحت كشاف الموبايل علشان اشوف جسمه كويس لقيت جسمه عليه سحبات وكدمات شديدة واثار تعذيب واضحة جدا شكله ابن ناس ..وانا خارج قلت للضابط انه ضرورى يتنقل للمستشفى لان حالته متقدمة جدا ولد فى نفس الزنزانه صرخ بصوت عالى وقال : قولهم يا دكتور ان محمد ذنبه انه بيقول كلمة حق للمخبريين دخلوا عجنوا الولد اللى بيكلم بمعنى الكلمة ضرب وشلايط وسب بالدين .. الضابط قالى : اكتبله اى حاجة علشان نعمل اللى علينا وظبطلنا تقرير علشان مش ناقصين وجع دماغ الكلام ده انا بقوله علشان حياة انسان انا مرفهوش لكن واضح انه مش مجرم .. كان موجود الضابط احمد الديب ..و امين شرطة امن دولة علاء مبارك و اتنين مخبرين . والولد فى حدود 18 سنة بالكثير ونحيف جدا . شكرا لسعة صدرك